

**ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ**

ТОШКЕНТ МОЛИЯ ИНСТИТУТИ



**ТОШКЕНТ МОЛИЯ ИНСТИТУТИНИ БИТИРИБ, ЮКСАК ЮТУҚЛАРГА
ЭРИШГАН НОМДОР ШАХСЛАРНИНГ ҲОМИЙЛИК ХАЙРИЯ МАБЛАҒЛАРИ
ҲИСОБИГА ШАКЛЛАНТИРИЛАДИГАН БИТИРУВЧИЛАР ЖАМЎАРМАСИ
ТЎҒРИСИДА**

НИЗОМ

**ЎЗБЕКИСТОН РЕСПУБЛИКАСИ ВАЗИРЛАР
МАҲКАМАСИНИНГ 2019 ЙИЛ 17 АПРЕЛДАГИ 321-СОНЛИ
ҚАРОРИГА АСОСАН ИШЛАБ ЧИҚИЛДИ**

**ИНСТИТУТ КЕНГАШИНИНГ 2021 ЙИЛ 30 АПРЕЛДАГИ
9/6.5-СОНЛИ ҚАРОРИ БИЛАН ТАСДИҚЛАНГАН**

ТОШКЕНТ – 2021



ТАСДИҚЛАЙМАН”
Тошкент молия институти
ректори Т.Тешабаев
« » 2021 йил

**Тошкент молия институтини битириб, юксак ютуқларга эришган номдор шахсларнинг ҳомийлик хайрия маблағлари ҳисобига шакллантириладиган битирувчилар жамғармаси тўғрисида
НИЗОМ**

I. Умумий қоидалар

1. Ушбу Низом Тошкент молия институтини битириб, юксак ютуқларга эришган номдор шахсларнинг ҳомийлик хайрия маблағлари ҳисобига битирувчилар жамғармасини (кейинги ўринларда Жамғарма деб аталади) ташкил этиш, унинг маблағларини шакллантириш ва улардан фойдаланиш тартибини белгилайди.

2. Жамғарма Институт раҳбарининг тегишли буйруғига мувофиқ ташкил этилиши мумкин.

3. Жамғарма маблағларини шакллантиришда ҳомийлик хайриялари орқали иштирок этувчи жисмоний ва юридик шахсларнинг мазкур Жамғарма фаолиятига аралашувига йўл қўйилмайди.

4. Жамғарма юридик шахс ҳисобланмайди ва унинг маблағлари институтнинг Ўзбекистон Республикаси Молия вазирлигининг Ғазначилигида очилган алоҳида бюджетдан ташқари шахсий ғазна ҳисобварағида жамланади ва ушбу Низомда белгиланган мақсадларга сарфланади.

II. Жамғарма маблағларини шакллантириш ва улардан фойдаланиш тартиби

5. Жамғарма маблағлари қуйидаги манбалар ҳисобидан шакллантирилади:
Тошкент молия институтини битириб, юксак ютуқларга эришган номдор битирувчиларнинг ҳомийлик хайрия маблағлари;

Жамғарманинг вақтинчалик бўш турган маблағларини банк депозит ҳисобварақларига жойлаштирилишидан олинган фоиз даромадлари.

6. Жамғарма маблағлари қуйидаги мақсадларни молиялаштиришга йўналтирилади:

иқтидорли, билимли талабаларнинг ўз билимларини янада мустаҳкамлашлари учун зарур бўладиган ўқув ва илмий адабиётлар ҳамда жиҳозларни харид қилиш;

иқтидорли, билимли талабаларнинг ўз устида ишлашлари ва билимларини мунтазам ривожлантиришга интилишларини моддий қўллаб-қувватлаш ва рағбатлантириш;

талабаларнинг туманлар, вилоятлар, республика ва халқаро миқёсида ўтказиладиган (билимлар соҳаси, спорт, маънавий-маърифий ва бошқа тадбирлар) турли мусобақаларда фаол иштирокини таъминлаш;

кам таъминланган оилалар ва етим болалар тоифасига кирувчи ўқувчи ва талабаларни моддий қўллаб-қувватлаш;

профессор-ўқитувчилар ва ходимлар меҳнатини рағбатлантириш;

ижтимоий фаол ва таълим муассасасида кўп йиллар мобайнида меҳнат қилган профессор-ўқитувчилар ва ходимларни моддий рағбатлантириш;

институтнинг моддий-техник базасини мустаҳкамлаш, шу жумладан бино ва иншоотларни таъмирлаш, зарур замонавий ўқув ва илмий-лаборатория ускуналари, мебеллар, инвентарлар ҳамда ахборот-коммуникация воситалари билан жиҳозлаш ва бошқа товар-моддий бойликларини харид қилиш;

фаол талабалар ўртасида ўтказиладиган республика танловлари ғолибларини ҳамда уларнинг устоз ва мураббийларини тақдирлаш ва рағбатлантириш;

Жамғарма маблағларини ушбу бандда назарда тутилмаган мақсадларга йўналтиришга йўл қўйилмайди.

7. Жамғарма маблағларидан фойдаланиш институт томонидан тасдиқланадиган даромадлар ва харажатлар сметаси асосида амалга оширилади.

8. Жамғарманинг даромадлар ва харажатлар сметасига зарурат бўлганда, йил давомида белгиланган тартибда ўзгартиришлар киритилиши мумкин.

III. Жамғарма маблағларини бошқариш

9. Жамғарма фаолиятини бошқариш ва унинг маблағларини тақсимлаш институт ректори раислик қилувчи Жамғармани бошқариш кенгаши (кейинги ўринларда Кенгаш деб аталади) томонидан амалга оширилади.

10. Кенгаш 7-9 нафар таркибда шакллантирилади ва институт ректори томонидан тасдиқланади. Кенгаш таркибига институт проректорлари, кафедра мудирлари ва факультет деканлари, режа-молия бўлими бошлиғи, Ўзбекистон ёшлар иттифоқи вакиллари ҳамда Тошкент молия институтини битириб, юксак ютуқларга эришган номдор битирувчилар киритилади.

11. Кенгаш мажлиси аъзоларнинг камида учдан икки қисми қатнашган тақдирда ваколатли ҳисобланади. Кўриб чиқиладиган масалалар бўйича қарорлар оддий кўпчилик овоз бериш йўли билан қабул қилинади.

Қарор қабул қилишда овозлар тенг бўлиб қолган тақдирда, Кенгаш раиси томонидан ҳал қилувчи қарор қабул қилинади. Қабул қилинган қарор баённома шаклида расмийлаштирилади ҳамда таълим муассасаларининг баённома асосида қабул қилинган буйруғи билан амалга оширилади.

12. Кенгаш мажлиси ҳар чоракда камида бир маротаба, зарурат бўлганда навбатдан ташқари чақирилади.

13. Кенгаш:

Жамғарма маблағлари ҳисобига молиялаштириладиган тадбирларнинг устувор йўналишларини белгилайди;

ҳар чорак якуни ва ҳисобот йили якуни бўйича Жамғарма маблағларининг даромадлари тушуми ва харажатлари тўғрисидаги ҳисоботларни кўриб чиқади ва тасдиқлайди;

Жамғарма маблағларидан мақсадли ва самарали фойдаланилиши устидан назоратни амалга оширади;

Жамғарма маблағларини шакллантириш ва улардан фойдаланиш билан боғлиқ бошқа ваколатларни амалга оширади.

14. Жамғарма фаолиятини қўллаб-қувватлаш ва унга таълим муассасаларини

битириб, юксак ютуқларга эришган битирувчиларнинг ҳомийлик маблағларини жалб этиш институт номидан амалга оширилади.

15. Институтнинг Режа-молия бўлими Жамғарманинг ишчи органи (кейинги ўринларда Ишчи орган деб аталади) ҳисобланади ва Жамғармадан маблағ ажратишга оид мурожаатлар Ишчи орган томонидан кўриб чиқилади.

16. Ишчи орган:

Жамғарманинг келгуси йил учун даромадлари ва харажатлари прогноз кўрсаткичларини ишлаб чиқади;

Жамғарманинг даромадлар ва харажатлар сметасини тузади, шунингдек уларга қонун ҳужжатларида белгиланган тартибда ўзгартиришлар киритади ва тасдиқлаш учун тақдим этади;

Жамғарма тушумларини кўпайтириш ва унинг маблағларидан самарали фойдаланиш бўйича таклифлар тайёрлайди;

Жамғарманинг тушумлар манбалари бўйича даромадлари ҳамда асосий харажатлар йўналишлари бўйича ҳисоб ва ҳисоботини юритади;

ҳар чорак якуни бўйича Жамғарма маблағларидан фойдаланилиши тўғрисида ҳисобот тайёрлайди ҳамда Кенгашга кўриб чиқиш ва тасдиқлаш учун тақдим этади.

17. Жамғарманинг даромадлари ва харажатлари сметаси қонун ҳужжатларида белгиланган тартибда тузилади ва тасдиқланади.

18. Жамғарманинг жорий йилда фойдаланилмай қолган маблағлари кейинги йилга ўтади ва бошқа мақсадлар учун олиб қўйилмайди.

19. Жамғарманинг вақтинчалик бўш турган маблағлари институт томонидан Ўзбекистон Республикасининг молиявий барқарор ва тўлов қобилияти юқори бўлган банкларининг депозит ҳисобварақларига жойлаштирилиши мумкин ҳамда олинган фоиз даромадлари ушбу Низомнинг 6-бандида назарда тутилган мақсадларга сарфланади.

IV. Жамғарма маблағларидан фойдаланиш юзасидан ҳисобот ва назорат

20. Жамғарма маблағларидан фойдаланиш бўйича ҳисоб ва ҳисоботлар институтнинг бюджетдан ташқари бошқа маблағларидан алоҳида, бюджет ташкилотлари учун бюджетдан ташқари маблағлар бўйича қонун ҳужжатларида белгиланган тартибда юритилади.

21. Жамғарма даромадлари ва харажатлари сметасининг ижроси тўғрисидаги йиллик ҳисобот институтнинг йил якунлари бўйича ўтказиладиган йиғилишида Кенгаш аъзолари иштирокида кўриб чиқилади ва тасдиқланади.

22. Жамғарманинг даромадлар ва харажатлар сметаси ва унинг ижроси тўғрисидаги ҳисоботлар, шунингдек, товарлар (иш ва хизматлар)ни харид қилиш бўйича тузилган шартномалар рўйхатлари институтнингнинг Интернет жаҳон ахборот тармоғидаги расмий-веб сайтларида эълон қилинади.

23. Ишчи орган Жамғарма маблағларининг қонунийлиги ва мақсадли йўналтирилиши, шунингдек Жамғарма фаолияти бўйича бухгалтерия ҳисоби ва ҳисоботлари ташкил этилиши учун жавоб беради.

V. Якуний қоидалар

25. Жамғармани тугатиш, қайта ташкил этиш, Жамғармани бошқариш кенгаши таркибига ўзгартириш киритиш институт ректорининг буйруғига мувофик амалга оширилади.

26. Ушбу Низомни қўллашда юзага келадиган низолар қонун ҳужжатларида белгиланган тартибда ҳал этилади.

27. Ушбу Низом талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

28. Ушбу Низом Ўзбекистон Республикаси Вазирлар Маҳкамасининг 2019 йил 17 апрелдаги 321-сон қарорига асосан тасдиқланган “Таълим муассасаларида уни ботириб, юксак ютуқларга эришган номдор шахсларнинг ҳомийлик хайрия маблағлари ҳисобига шакллантириладиган битирувчилар жамғармаси тўғрисидаги Низом”га асосан ишлаб чиқилган.